

二河源水府神仙諸靈官特乞閉上善之仁
播靈長之澤納積祥於帝闕重輯河圖增壽
紀於聖躬永安海嶽驚波不作品類咸寧次
乞齋主某家九祖七玄生天證道出泉曲寒
庭之境造方壺圓嶠之宮見在宗親同沾景
貺降流福祚洗滌災愆聚善日新群生俱泰
得道之後昇入无形和與道合真

經寶

臣等至心皈命太上三尊十方衆聖至真无
上三十六部尊經真文寶符三禮各虔誠懺
謝

臣等伏聞天地之前混沌之首玉京金闕已
弘大道之風龍篆鳳文久闢重玄之教初傳
天上漸降人間有長生不死之圖有利物安
人之訓帝王宗之以布化至士修之以昇天
為萬法之根源實九流之宗本所宜稟奉以
降休祥今謹有黃籙大齋主某官某至心皈
命
三十六部尊經真文寶符特乞開大宥之恩
錫無疆之福永佳聖運幽贊鴻圖九重齊海

歲之安萬國混車書之化次乞齋主某家三
師九祖列丹簡之善名見在親姻除黑書之
罪自潛通秘訣靈證仙階祿壽維新災凶未
息飛沉動植俱沐玄恩得道之後昇入无形
和與道合真

太上黃籙齋儀卷之四十三

正一天師清微弟子 洪百堅 製作

道教學術資訊網站

太上黃籙齋儀卷之四十四

壬子

唐廣成先生杜光庭集

安宅行道方懺

先衆官列位於玄師前立定

唱道

入戶

旋行上五方香東方為始

上御案香

上本位香

各禮師存念如法

衛靈

晨精朗曜 紫煙御空 星壇煥映

變化雲宮 日魂月魄 離坎翼中

金真嘯命 龍虎辟邪 吉日行事

八威鼓從 玉華羅敷 徘徊飛虹

天光下盼 道炁豐隆 含靈普濟

慶流無窮

鳴法鼓二十四通

无上三天玄元始三炁太上老君召出身

中三五功曹左右官使者侍香金童傳言玉

女五帝直符直日香官各三十二人出出者
綴裝闕啓玄壇天帝神君當召此間土地里
城真官正神入憲願得玉清道炁靈寶妙光
下降流入臣等身中令臣所啓速達徑御
太上无極大道虛无自然

全關玉陛下

各稱法位

身位臣某等謹同誠上啓

虛无自然元始天尊无極大道太上大道君
太上老君昊天玉皇上帝十方已得道天聖
衆至真諸君丈人三十二天帝君玉虛上帝
玉帝大帝東華南極西靈北真玄都玉京金
闕七寶玄臺紫微上宮靈寶至真明皇道君
三十六部尊經玄中大法師三界官屬洞府
真仙太始五帝靈寶威神天上地下一切真
靈臣等伏聞大道融真元皇御運五文開教
三洞宣行天尊垂廣濟之科太上播無疆之
澤陶鈞庶品拯度群生臣億劫良因被沐玄
化龍書鳳紀玉割瓊篇得以稟修用祈昇度
而告盟之始約佳救為先凡有所陳不容竅

絕况奉詞首敢不上聞

讀詞

按如詞言情誠丹切理宜開度以副玄慈竊
惟五太之前三靈分化泊于下古未雜澆滿
冬穴下巢懷道抱德各安所適玄會無為自

數兆陰陽象垂棟字吉凶善惡倚伏相乘順
之則代享禎祥違之則人罹災沴聖人弘訓
愍濟為心懺罪祈恩俾崇齋直臣等謹相禱
率依按典儀式建壇場以祈福祐以今某分
行道請法衆等運茲初捨上香

願此香煙騰空徑上供養
无上至真道寶臣等歸身歸命首體投地仰
依

太上三尊願以是功德歸流社稷尊靈宗桃
上聖清都瑩質紫極延祥福被宸居慶傳帝
業比嵩衡而作固與日月以齊明太子諸王
承臣聖業賢臣良輔克替謀猷萬國禱航群
生昭泰今故燒香歸依
師尊大聖衆至真之德得道之後昇入无形
和與道合真

以今某分行道請法衆等運茲二捨上香
願此香煙騰空徑上供養

无上至真經寶臣等歸身歸命首體投地仰
依

太上三尊願以是功德歸流某家九祖七玄
先靈幽爽栖神絳苑鍊魄丹臺襲氣母以登
真御雲嶠而託化福資來裔澤及存亡克荷
玄休常承元吉今故燒香歸依
師尊大聖衆至真之德得道之後昇入无形
和與道合真

以今某分行道請法衆等運茲三捨上香
願此香煙騰空徑上供養

无上至真師寶臣等歸身歸命首體投地仰
依

太上三尊願以是功德歸流齋主某家眷屬
宗親同茲預祝福延壽求禍滅災銷滯平居
宅龍神陰陽將吏運功買賞加爵增勳納吉
祐於中宮蕩災凶於外域今故燒香歸依
師尊大聖衆至真之德得道之後昇入无形
和與道合真

禮方

臣等至心皈命東方无極太上靈寶天尊青帝九炁天君東鄉神仙諸靈官三禮各虔誠

懺謝方後述

懺悔

東方

臣等奉為齋主某仰謝東方至真无極青帝九炁天君青龍東斗角亢房心尾箕七星君甲乙寅卯木德震神少陽之氣九炁老君勾芒太暉春王正神帝車帝輅帝舍歲星木

官仰慮居宅之所犯觸神明負越禁忌延致災殃今故燒香皈命靈寶天尊修齋行道謝過祈恩伏願解除所犯賜以福祥銷中央土氣一切災凶罪咎蠲

平災衰靜息存亡俱泰福壽維新舉家貞吉動植沾榮蒙如所請仰荷玄恩得道之後昇入无形和與道合真

南方

臣等奉為齋主某仰謝南方至真无極赤帝三炁天君朱鳥南斗井鬼柳星張翼軫七星

君丙丁巳午火德離神太陽之氣八蠻老君祝融炎帝熒惑夏神帝車帝輅帝舍騰蛇九

紫陰陽衆神仰慮居宅之所犯觸神明負違禁忌延致災殃今故燒香皈命靈寶天尊修齋行道謝過祈恩伏願解除所

犯賜以安寧銷西方金氣一切災凶罪咎蠲平災衰靜息存亡俱泰福壽維新舉家貞吉

眷屬沾榮蒙如所請仰荷玄恩得道之後昇入无形和與道合真

西方

臣等奉為齋主某仰謝西方至真无極白帝七炁天君白獸西斗奎婁胃昂畢昴參七星

君庚辛申酉金德兌神少陰之氣六戎老君蓐收少暉太白秋神帝車帝輅帝舍咸池刑殺陰陽衆神仰慮居宅之所犯觸神明負違

禁忌延致災殃今故燒香皈命靈寶天尊修齋行道謝過祈恩伏願解除所

犯賜以安寧銷東方木氣一切災凶罪咎蠲平災衰靜息存亡俱泰福壽又安舉家貞吉

福壽維新蒙如所請仰荷玄恩得道之後昇入无形和與道合真

入无形和與道合真

北方

臣等奉為齋主某仰謝北方至真无極黑帝五炁天君玄武北斗斗牛女虛危室壁七星

君壬癸亥子水德坎神太陰之氣玄枵辰星五狄老君玄冥顛頊冬神水官太一刑殺陰

陽正神仰慮居宅之所犯觸明靈負違禁忌延致災殃今故燒香皈命靈寶天尊修齋行道謝過祈恩伏願解除南

方火氣一切災凶罪咎蠲平災衰寧息存亡俱泰眷屬又安舉家貞吉福壽維新蒙如所請仰荷玄恩得道之後昇入无形和與道合

東北方

臣等奉為齋主某仰謝東北方至真无極梵炁天君下謝良宮土府太陰之神魁罡刑破

四殺神君仰慮居宅之所犯觸明靈負違禁忌延致災殃今故燒香皈命靈寶天尊修齋行道謝過祈恩乞罪隨懺滅

福與願來觸犯之愆咸使除蕩存亡俱泰福

壽增延舉家貞吉齋動沾榮蒙如所啓仰荷
玄恩得道之後昇入无形和與道合真

東南方

臣等奉為齋主某仰謝東南方至真无極梵
炁天君下謝風宮地戶招搖異神三刑四殺
六辛神君仰慮居宅之所犯觸明靈違犯禁
忌延致災殃今故燒香皈命

靈寶天尊修齋行道謝過祈恩乞罪隨懺滅
福與願來衆惡蠲銷千災蕩散存士俱泰祿
壽維新眷屬安寧子孫昌盛蒙如所啓仰荷
玄恩得道之後昇入无形和與道合真

西南方

臣等奉為齋主某仰謝西南方至真无極梵
炁天君下謝人門月域攝提坤神四維四極
乙癸神君仰慮居宅之所犯觸明靈負越禁
忌延致災殃今故燒香皈命

靈寶天尊修齋行道謝過祈恩乞蠲觸犯之
罪隨懺銷平災咎不侵凶衰靜息禎祥存至
祿壽增延眷屬咸安存亡同福蒙如所啓仰
荷玄恩得道之後昇入无形和與道合真

西北方

臣等奉為齋主某仰謝西北方至真无極梵
炁天君下謝青龍司命天門之神六宮乾位
壬甲神君仰慮居宅之所犯觸明靈違越禁
忌延致災凶今故燒香皈命

靈寶天尊修齋行道謝過祈恩乞罪隨懺滅
福與願來凶災靜息祿壽增延家安人泰存
歿同榮子孫貞孝祥瑞來臻蒙如所啓仰荷
玄恩得道之後昇入无形和與道合真

上方

臣等奉為齋主某仰謝上方至真无上梵炁
天君諸天至極上聖高尊日月星宿八風五
行風雨雷電陰陽正神上謝乾儀天道日遊
月行八龍九虎太一十精飛旗八殺北斗七
星天上天下一切神明仰慮居宅之所犯觸

真靈負違禁忌穢慢三光上不敬天道下不
畏鬼神愆咎增積延致災殃今故燒香皈命
靈寶天尊修齋行道謝過祈恩乞懺千災蕩
散萬罪銷平舉家蒙福存歿安寧祿延壽永
禍滅福生蒙如所啓仰荷玄恩得道之後昇

入无形和與道合真

下方

臣等奉為齋主某仰謝下方无極世界神仙
正真高皇土府九宮真人四司五帝十二仙
君靈洞川澤五嶽尊神下謝陰陽所運八卦

九宮五行二宅后土至真地下侯伯四正諸
神八部禁忌守宅將軍五土官屬五土子孫
及將軍太歲豹尾黃幡奏書博士刑德衆神
七十二位內外神靈仰慮居宅之所犯觸神
明違越禁忌延致災殃今故燒香皈命

靈寶天尊修齋行道謝過祈恩乞一懺罪滅
萬善咸臻犯觸之咎並乞銷平舉家康泰居
止安寧祿壽增延存亡同福蒙如所啓仰荷
玄恩得道之後昇入无形和與道合真

三禮

臣等至心稽首禮
太上无極大道
臣等至心稽首禮
三十六部尊經

臣等至心稽首禮

玄中大法師

重稱法位

具位臣某等謹重伸上啓

太上元極大道元始天尊太上大道君太上

老君十方已得道大聖衆至真天帝天帝三

十六部尊經玄中大法師土府太皇地下五

帝三天大法師正一真人三五官屬應感真

靈伏聞玄化宣行道風遐布惠周三界恩溥

群生盟感懸佐國之科靈寶著懺祈之品凡

有祈向克獲感通弟子其以跡處塵寰未參

幽妙而卜筮之所居止非宜竊慮犯忤真靈

違越禁忌乖八宅五行之候虧陰陽刑德之

方既切憂疑願申懺謝是用肅嚴壇墀精接

典儀虔備香花恭修齋直歸心十極懺罪諸

天依正一法文天師具格謁請三五官屬天

君吏兵禳却凶邪解銷災咎臣謹為某上請

无上高倉君都曹正炁君素車白馬君考召

君運炁解患守宅君天上谷逆君廣司君北

城詔命化喻謀議君天心刺史從事平天君

无上太和君收神上明君上元士君蓋天大

將軍无上天君赤天倉氣君四胡君制地君

天昌君五鎮大將軍主為某家解除三丘五

墓地下衆精月食土氣百病惡逆盜賊耗害

刑殺凶殃之氣五瘟百病刑禱精邪四方破

射五部兵獵戶廟呪詛衆考諸妖之屬及五

行復注之氣留停藏匿之神積世流殃行年

災厄十二刑害中外疆殫一切凶神咸從銷

解其有運材捷石動土興工犯天地正神乖

陰陽真氣侵傷土府違忤神明幽顯既殊常

情罔測因今悔謝並乞蕩除即使正炁宣行

龍神鎮守災殃殄絕福善來臻居止安寧動

靜和泰親緣族屬同沐利貞七祖生天三途

清晏九幽罷對長夜開光寬債和平謀議潛

息伏尸故氣滯魄幽魂俱荷福緣各蒙開度

捨邪歸正契道通真帝祚遐長生靈昭暢普

天全濟蠢動沾榮上明

天專廣濟之澤下副臣等懺謝之誠謹啓以

聞

發願

一願乾坤明素二願氣爽清玄三願聖人萬

壽四願化洽八埏五願天垂甘露六願地發

祥煙七願四時應候八願萬物生全九願家

多孝悌十願國富才賢十一願齋功廣被十

二願善瑞日臻

復爐

香官使者左右龍虎君侍香諸靈官當今臣

行香之所自然生金液丹碧芝英百靈衆真

交會在此香火爐前今臣學道得道求仙得

仙齋主受福幽顯沾恩十方仙童玉女接待

蘭煙今臣所啓之言遠達徑御

太上元極大道金闕玉陛下

出戶

太上黃錄齋儀卷之四十四

十一